

周易集義

國朝集義

求恕齋叢書總目

經部

周易集義八卷

溧陽強汝諤撰

喪服鄭氏學十六卷

婁縣張錫恭撰

史部

庚子西行紀事一卷

率賓唐晏撰

漢管處士年譜一卷

黃巖管世駿撰

玉溪生年譜會箋四卷

錢唐張采田撰

司馬溫公年譜八卷卷後一卷遺事一卷

無錫顧棟高撰

王荊公年譜三卷卷後一卷遺事一卷

無錫顧棟高撰

金稷山段氏二妙年譜二卷

元和孫德謙撰

水經注正誤舉例五卷

仁和丁謙撰

漢書地理志水道圖說補正二卷

錢塘吳承志撰

今水經注四卷

錢塘吳承志撰

京師五城坊巷衢集一卷

明張爵撰

京師坊巷志十卷附考正一卷

義烏朱一新江陰繆荃孫同撰

唐賈耽記邊州入四夷道里考實五卷

錢塘吳承志撰

渤海國志四卷

率賓唐晏撰

渤海疆域考二卷

高麗冽上徐相雨撰

禮議二卷

吳縣曹元忠撰

四庫全書表文箋釋四卷 茂名林鶴年撰

子部

垛積衍術四卷 溧陽強汝詢撰

橫楊札記十卷 錢塘吳承志撰

蕉廊脞錄八卷 錢塘吳慶坻撰

山海經地理今釋六卷 錢塘吳承志撰

集部

天問閣文集四卷 明李長祥撰

附海棠居詩集一卷 長祥婦姚淑撰

傳經室文集十卷賦鈔一卷 元和朱駿聲撰

心嚮往齋集二十卷附錄一卷

曲阜孔繼鑠撰

附絅齋隨筆一卷

繼鑠祖毓焞撰

附勿二三齋詩集一卷飲冰子詞存一卷

繼鑠子廣

牧撰

附紹仁齋浦游吟一卷

廣牧子昭棠撰

附林風閣詩鈔一卷

昭棠婦劉淑曾撰

通義堂文集十六卷

儀徵劉毓崧撰

校經室文集六卷補遺一卷

榮成孫葆田撰

遜齋文集十二卷補遺一卷

錢塘吳承志撰

王文敏公遺集八卷

福山王懿榮撰

雪橋詩話初集十二卷二集八卷三集十二卷餘

集八卷

遼陽楊鍾義撰

共計三十種二百四十一卷

卷一百四十一

卷一百四十一

卷一百四十一

求恕齋叢書序

吾友劉翰怡京卿藏書閎富類多孤行罕見之本私家
塵存之籍於是擇其尤著者刊爲嘉業堂叢書凡吳興
一郡先喆遺編別出之爲吳興叢書繼又賡續罔羅鏤
而不舍刊求恕齋叢書都三十四種爲卷二百三十有
五其發潛闡隱之心可謂盛矣嘉道以前若阮氏畢氏
孫氏鮑氏伍氏諸家亦旣彰彰在人耳目近數十年則
潘氏之滂喜齋功順堂庶幾可與頡頏其他殆難媲美
也士鑑嘗以爲 國朝學派三百年間風會數變康雍
諸老體大思精乾隆承平宏儒輩出訓詁考據將駕前

代而上之洎道光中葉寓內多事一二深識之士剗心
邊要博治地輿之學蘄於致用同光以降承學者以破
碎考證苦於抉覈幾窮迺上求西京微言大義論者又
病其武斷誣經馴至釀成世變將舉周秦兩漢以來雅
言故書均淪於若存若亡之列豈不惘歟至於 昭代
掌錄絕尠專書言朝章國故者愬焉爲憾不知遼瀋之
世臣海內之耆碩未嘗不私自纂述以待史家之博訪
其不見之於官書者往往鈎稽事實或託諸詩話以傳
其人如與耆舊傳先賢行狀相爲表裏焉翰怡精心甄
采所刊之書大抵與士鑑平生主張之學派若合符契

蓋不獨抱殘守闕之悵也歲在著雍執徐之歲殺青既
竟翰怡書來屬爲綴言簡端因綜論學派之源流質之
翰怡翰怡其許爲知言否乎錢塘吳士鑑序於九鐘精
舍



求恕齋叢書序

往者光緒中禩海禁褰開士大夫恍於國步之窳弱頗
疑固守成法之不足持世變抵掌談新學時余方隨嘉
興許文肅公使俄羅斯稍稍習夷務因得於其間訶酌
彼都朝政民俗之因革歸國後供職譯署珥筆之暇廣
攬譯籍益知列國之崛興雖機械萬端奇袤日出而固
有文教學術爲立國之本者固未一日棄置也有志之
士擇禮變之跡究隆污之源亦嘗得其會通以毗贊治
道乃回顧國內羣言龐雜陶誕弔詭之風方如狂飈之
撼海濤而莫可遏止舉數千年聖知賢傑所辛勤留遺

者束置高閣暮立章程數十條更改制度如千事朝行
於國中以爲富強可戾契致嘗深曠太息懷然於莊生
所譏耕而鹵莽則其實亦鹵莽而報者殆將一旦遇之
其後歷官於外洊領疆符光宣之交籌備立憲法令如
牛毛余方總督陝甘疏論新政之害謂宜深維國本顧
畏民暑不當殫財府怨以徇變法之虛名訟言甚切以
去就力爭卒以是罷官屏居未久而海內鼎沸兵禍連
歲不解余崎嶇西陲艱難戎馬慨然長想以爲鹵莽之
報旣若是矣苟國人懲創往事而晞冀未來之永圖則
若治田然務取良農長法辨寒燠土壤之宜無惑異趨

無急近效必有償吾勞力之一日賢人知士治國之良
農也其著述治國之長法也安得有志之士介然不與
世俗同流董理其卷帙刊布其精蘊於以示學術之正
鵠矯末俗之卮言治亂之機端繫於是乎烏程劉翰怡
京卿博修好學有守先待後之志所謂介然不與世俗
同流者歲己未策杖登泰岱道青島訪余海壖一見如
舊相識遂定交焉知其方校刻書籍甚勤尋余移居津
沽歲時承以書幣相勞遺去年冬余入都覲賀重見於
輦下歡然道故贈以所刻求恕齋叢書且以弁言見屬
於是知翰怡之書有曰嘉業堂叢書者則聚蕭齊以後

罕傳之撰述以津逮後學也有曰吳興叢書者則蒐其鄉先輩之書以存鄉邦文獻也有曰留餘草堂叢書者則擇先儒性理格言諸編以扶翼世教也而求恕齋叢書則最錄近時人著述經學國故稗史年譜地理文藝之屬之有裨世用者都二百二十四卷而吾友福山王文敏公榮成孫佩南京卿遼陽楊子勤太守之書皆與焉翰怡之言曰輒近典章文物制度實備於曩昔荀子所謂觀其粲然者是也吾故取近人之書別爲一編使讀者知人論世而易於尋繹求恕名編蓋取己所不欲勿施於人之義以警夫世之在高位者亦因以自警焉

余曰善哉庠上古之錢鏰不若精後世之耒耜講三代
之溝洫不若辨秦漢之阡陌如君之志於吾治田之說
亦有當焉但願世之讀其書者斟酌今昔之宜慎於抉
擇而無若前此之鹵莽庶不負翰怡之深期余晚邁艱
屯學殖荒落奚足以語文墨顧不辭而爲之序者亦冀
以是書播其嘉種以饜余寤寐望治之心故不覺其言
之喋喋也癸亥仲秋察罕升允